

محمد الحسینی

# صندوق الحزن

شمر

مطبوعات الطيبة



## صندوق الحزن

صندوق الحزن

محمد الحسينى

الطبعة الأولى ، 2004

مطبوعات الطبية

Dhabiya@hotmail.com

لوحة الغلاف للفنان : عمر جيهان

رقم الإيداع : ١٤٦٩٤ / ٢٠٠٤

## المحتويات

الصفحة	
	فض حاجز الدهشة
9	صح النوم
21	التمثال
35	المغنى
49	شارع الكارتون
	للبحر ريحة الماورد
59	للبحر حزنى
69	امشى عنى
83	مركز التدريب على الابتسامه
93	على جُئنى
101	انا .. مش انتة !
109	ما بلعيش دور البطوله
117	حركة مباغته
125	الفنالة

## فض حاجز الدهشة

حينما يكتمل المشهد فى ذاكرة المؤرخ ، فلا  
جدوى من الأشياء وحينما تصل إلى مجموعة من  
الثوابت التى تؤدى إلى إجابات ، فأنت عاطل عن  
الإندهاش .. عليك أن تبحث فقط عن تلك الثوابت  
التي تؤدى إلى السؤال .

فماذا تسأل؟ سل عما يحدث لك من متغيرات  
ادخل إلى ذاتك ، تابع شوارذك ، وارحل فى خضم  
قنوات الانفلات من الذات إلى ذوات العالم ، وحينما  
تجد المنطق، اعلم أنك تصل إلى الفناء المطلق  
اللاملتوى ، أما إذا أمسكت بفض حاجز الدهشة ،  
فأنت الآن فقط فى عالمك المجنون ، وجنونك هذا  
لا علاقة له بما يحدث ، إنما ما يحدث له علاقة  
بجنونك ، فمثلاً على سبيل الترقب .. القمر المقترّب

من الشرففة هو ليس ذلك العابر على شرفات أخرى ،  
والنيل الخارج من ظل معطفك المعلق ينساب فى  
الغرفة فى اتساق فوضوى .. يمر الآن فقط .

وتلك الوردة التى تنبت فى زمن غير زمانها  
وفى مكان غير مكانها ، كل هؤلاء وغيرهم يصنعون  
متسعا من الإبراك لا يجده أى عقل ، فأنت تعلم أن  
هذا العقل مؤقت وعابر .. وأن نيلهم غير نيلك ،  
شفف الذات ، ثم اصهل الحواس تابع المشى على  
عرج خفيف ، يصنع من جسدك الممشوق حضورك  
الخاص ، لكن .. فقط أرجوك لا تكتب الشعر ..  
بل اشعر بالكتابة .. اكتشف .. ادهش .. وعش  
كمجنون تورمت قدماء من الخبط عليها لا من السير  
لعلها تخرج إيقاع التوازن الشعرى الذى ينساب من  
أعلى اليافوخ إلى أسفل اللذة ، اكنس مشاعرك

القديمة واحفظها فى قارورة الذاكرة .. لعلك تستعيد  
بإشعالها .. فتصنع عالماً ليس به خلل الكآبة . ابتعد  
فهناك عالم الخيال ، يختال فى دهشته ، لا تحدد  
كثيراً ولكن أسأل فقط : من أين يخرج هذا العالم ؟  
ومن أين يأتى ؟ ولم فى هذا التوقيت بالذات ؟ هل  
يدوم ؟ وقبل أن تصل إلى إجابة .. عد واسأل من  
جديد :


هل يكتمل المشهد فى ذاكرة المؤرخ ؟

محمد الحسينى

القاهرة 1 / 8 / 2004



صح النوم



واحد قام من نومه  
ما لا قاش في الدنيا حياه  
طبق كوابيسه ..  
وتاه  
لون حلمه .. وسمّاه  
خلّاه ..  
بيزق ف خلق الله  
عجبه م الورد .. عمره  
عجبه م الصخر .. سرّه  
فَ دى .. وردة العمر الحقيقى

ودى صخرة الصبر الحقيقى  
دا .. اسمه  
ودى .. ملامحه  
انما .. مين اللّى تاه ؟  
واحد قام من نومه  
ما لاقاش .. فى الدنيا حياه .

كان ..  
كل مرّة  
يفتكر نفس الهاجوس

يبص له بصتين  
ويرجع يغوص  
يشب تانى  
على طراطيف صوابه  
يفتكر أنه .. جوا الحياه  
وكأنه كان .. عنوان  
بشارع وناصيه  
صبح ركن عاصي  
من مآسى الزمن وياه  
لكنه .. آه .. واحد

قام من نومه  
ما لا قاش .. فى الدنيا حياه .

سأل  
رد الصدى :  
يا صمت أهوج علقمه  
عالق بجسمى إنما ..  
فين الحياه ؟ !  
ساجنه العيون الفاه  
مات الفضا .. بسماه

عاش جواه  
على شجرة الحلم  
شق صدره  
وخرّج حشاه  
طقتّه نبقتّه  
ومين غطاه ؟  
لضم الصمت وياه  
واترسم فى جسمه ناشان  
بيان ؟  
ولمين بيان ؟ !!

واحد قام من نومه  
ما لاقاش فى الدنيا حياه .

قال :  
يا نبّقه  
يا نبقتى  
يا حبل رابط سرتى  
سرى  
إيه سر الحياه ؟  
ممکن



ترجّعیلی ضحکتی ؟  
یا عایشه فی وحدتی  
یا سما .. یا ضلّتی  
خیلاتی .. ومخایلاه  
طابعة عنیکى ف بصّتی  
لازملى أعرف فکرتی  
رد الخلا وياه :  
واحد قام من نومه  
ما لاقاش فی الدنيا حياه .

سامع ؟  
إحنا الصدى السارح  
عصافير كناريه  
ولآ برتقان مالح ؟  
أحنا طيور الجوارح  
معديين فى الزمن لا مبارح  
رجع الزمن سارح  
قارح  
على قارح  
فكرنى بامبارح

وأنا اغنى غناه  
ضحك القمر صابح  
فافتكر ضحته  
كان ناسى  
ضحكه مونساہ  
لملم شتات غضبته  
خطاه  
شاف الحيا  
زى الحياه  
عاود

وَعُودَةُ شَوَارِعِ دُنْيَتُهُ  
مُودَعَاهُ  
بِكَيِّ .. بِكَاهُ  
مُسَلَّمَاهُ  
مِفَاتِيحُ وَحْدَتِهِ  
وَمُلْبَسَاهُ  
وَاحِدٌ قَامَ مِنْ نَوْمِهِ  
مَا لَأَقَاشُ  
فِي الدُّنْيَا  
حَيَاهُ .

2000 / 5 / 9

التمثال



متبعترة عنيد  
فى ييجى كام بصّته  
مقسومة بصّته  
شمال ويمين  
هوّا دا التمثال  
اللى واقف بيتفرج  
على الخلق من برّه  
فرجه مجّانى  
تمثال برونز قديم  
ما دهنشى جسمه

من ييجى ياما  
ولا غير فى اسمه  
مشاعره  
هيه .. هياها  
ساب الحزن جواها  
وكان كل ياما  
ينزل يتفرج  
على الصمت والوحدة  
يخطف من النيل بصة  
يساهى القمر



ويبص للشابة

الشابة ..

اللى سابها حبيبها تستنى

وواقفه تسأل عن الوقت والوحدة

وتتنهد تنهيده لناعسه

وفوقها كان تمثال برونز قديم

متبعثرة عنيد

فى ييجى كام بصّه

مقسومة بصّته شمال ويمين

ترفع عينها لفوق

مش انتہ  
لأ هوّا انتہ  
بس الزمن تانى  
هافكرّك بيّه  
نزل القمر ورّانى  
على سطح بيتنا حنانى  
سهّانى القمر  
خطف منى حبيبى  
ودّاه فى وادى  
وصرخت الشّابّه

والصرّخه هيايه  
مش عارف الحزن  
قاعد فى ريحى  
ولا جوايا .

هوّا دا التمثال  
اللى أحلى من الفكّة  
وأجمل من الضحكة على سنانى  
صحانى مرّة  
وقعدنى ع السكّة

أراقب التماثيل اللي فكّه  
هربانه م اليوم ؟ !  
ولّا غرقانة فى المبكى ؟ !  
سمّعى جنانى فى ودانى  
مين اللي جنى ؟  
ومين فينا كان جانى ؟ !  
رد وندانى :  
كل حاجة شبه  
حتى الوجع شبه  
الضحك والدلع

والصُّبحُ إنْ طلَعَ

شبهه

وسلام يا جدع

للأمريكاني !

أجيب منين عمر

وارجع كل حاجه فى مطرحها

وأقول للشابّه

حكمة العشق ويا الدلع

وأقول لها

جاءَ الجدع يفرّجها  
شايِل فؤاد تانى  
يسرّح شعرها فى اللّيالِى  
فتسرّح فيه اللّيالِى  
وأقول لها :  
جاءَ الجدع  
يلضُم فى عُقدِها حلمها  
يصبحها  
أجيب منين عُمر  
هربت التماثيل فى مطرحها

أجيب منين عُمر  
انشرخت المواويل فى أرواحها  
الفجر شبّه المغيب  
يغيب ولا يسمعها  
مع أنّه كان آية  
مش عارف الحزن قاعد فى ريحى  
ولّا جَوَايا

هوّا دا التمثال اللى بكّى  
تمثال زىّ الولد

مشى من هنا لَعَكَه  
بعزم التاريخ .. مشى  
وحرارة الشُّرفا  
وصل رفح  
واتسدت السَّكَّة  
طلعوا الكلاب م الوجع  
ها يطلعوا بعضه  
هوا دا التمثال اللّى بكى  
مش حائط المبكى !  
الله



يرحم الشاطر  
والنصاب  
والسكّه  
بقى فينا جنس تالت  
اذكى  
وطابور خامس  
أعلى  
رجاله شبه الحريم  
بتدهن وشها فاكهه  
مواطنين زينّا ..

بشر  
بيعكروا الربكة  
وأنا مش حزين  
بس أجيب منين  
عمر .. يرجع للصبي الضحكه  
ويرجع البنت لمطرحها .

2001 / 12 / 29

## \* المَغْنَى \*

---

\* عن قصيدة عازف القيثارة " قصيدة فرعونية قديمة "



وبرغم إن الموت  
شئ طبيعي ، وعادى جداً  
وبرغم أننا  
ما نعرفشى إيه اللي حصل  
للشجر جواه  
وبرغم دا  
طوابير من البشر  
رايحه فى سكتّه  
بتواجه المجهول  
ومن قديم الأزل

والناس بتتكلم عن الخلود  
وبرغم دا  
ما عاودش حد لعندنا  
ولا قالناش  
همه محتاجين هناك لإيه  
بدلوا توب الحياه إزاي  
جايز ، الشفرة مش واصله  
أو جايز  
شغالين همّه بالمراسله  
مش بالأجهزة والدّوز

انما أكيد  
بيبعثوا الموت على وش الحياه .

وبرغم ان الموت شئ طبيعي  
عادي  
ما كل الكائنات بتموت  
وبقصد منهم  
- الميتين طبعاً -  
ما ريحوش قلوبنا  
ولا قالوا حاجه

علشان نروح هناك مرتاحين  
الميتين دوله متعبين  
نسيوا كل حاجه  
عن الصداقه  
القرايه  
والجيريه  
ونسيوا شكل الحياه  
وبرغم ان الحياه جزء منا  
وفى دوره مستمره  
بتمشى ناس



وبتيجي ناس  
ودى طبيعه مصر اويه  
انسانيه  
عن الصباح والغروب  
الا اننا عايشين فى ضلها  
نتنفس الهوا  
وننزف الدموع .. ع المدفونين  
وبعدها  
نخلص الموت م الحياه  
وبرغم ان الحياه

مش ممكن نمطها  
ولا نقدر  
نوقف مشينا للعام التانى  
لأنها  
قد فترة الحلم أو يدوب زيها  
وبرغم اننا  
بنواجه جهلنا بالموت  
وبالمصير  
ورا .. فى القبور

ما بقاش عندنا غير  
حل واحد  
اننا نعيش الحياه  
ودى نصيحه من مغنى  
مات  
ورجع  
بشكل صدفه للحياه  
رجع  
كان على وركه اليمين  
لسع نار

وعلى جبينه

حبة عفار

فيه سخابه فوق نداه

لفاه

ولفه بيه

بتسمع الخلق فى غناه

وهو يصرخ :

" يا ليل .. يا عين

يا عين .. يا ليل "

غنى للحياه

حُطُّ فوق كل حته من جبينك  
نوع من العطور  
وغنى للحياه  
" يا ليل .. يا عين "  
وخلّى وهيّه قاعده - الحبيبه -  
جنب منك .. تشمها  
تغنى للحياه  
" يا عين .. يا ليل "  
قرب منها  
وضمها

وغنوا للحياه  
" يا ليل .. يا عين "  
واطبع بالسّنان  
فوق كف ايدها  
ساعة م الزمن  
وع الدراع  
خط ورد عمرك  
وشدّها  
غازل الموسيقى  
والغنى

فى جسمها  
يغنى للحياه  
" يا ليل .. يا ليل "  
ارقص ، مع نمور صدرها  
" يا عين .. يا عين "  
وفور دوامات المعننه  
اركب البهجه  
وودع الطيور  
ولما ييجى وقتها  
يحلها .

1999 / 10 / 27





## شارع الكارتون



الشارع ده هس .. هس  
الشارع ده مالهبس بس  
الشارع ده عتمه لص  
يسرق النوم م العيون .  
الشارع ده بقى كارتون  
أحلامه متغيره  
أفكاره متبعتره  
بين لحظه والتانيه  
وعياله مشردين .  
الشارع ده

كل ما تورب له ، أترعب له  
وتجيني كوابيس مزعجة  
مش باقى منها غير عربيات بتتفكك  
وهيه بتكتك  
تبقى بشر بملامح روبوت  
وأخلاق ثوره  
كل همها مسح الدماغ  
وزرعه حاجة تانيه .

والشارع ده

الفتوّه بتاعه قرد  
قرد .. نسناس  
بوش آدمى  
وصواب طويله  
عدسات عنيه القزاز  
مركبها غلط  
فسمّوه العيال .. فى السر  
مدرك الفراغ  
وسمّوه البنات  
القاسى ابو قلب حجر

أما الكبار  
حذروا منه العيال  
والعجائز ..  
والشيوخ  
كانوا بينحنوا له  
كل ما يعدوا ..  
يهدوا  
ويدعوا انه يقتنع  
بشكل الاحناء  
وانه ما يعتبر هوش

عجز أو كُبر سن  
فيرفعوا اديهم الكارتون القديمه  
ويدعوا قدامه :  
يا رب وفق الحكيم الفتوة صنو السماء  
فى الشارع ده  
كان القرد .. قرد .. مش مجاز  
وكانت الحياه عنده ، جاز فى جاز  
وأهم حاجة يكون فتوة  
والفتوه مش محتاج مروّة  
محتاج لراس

فيجمع الانصاص

قوالب

ويكسر القوالب

يلزق الربع .. ربع

جنب الربع تلت

ويرجع الواحد صحيح ورا

بعد ما يعور له رجل

أو يكسر له راس

ويمسح فى الذاكرة

أى حاجة وليها أصل



الفتوّه .. المفترى

أبو كرش عمّله

فيها ركن ، من دموعنا

فيها قوتنا وفيها موتنا

فيها خوفنا ..

انه شافنا أو كشفنا

الفتوّه

بقى له اسم وصيت وجاه

والفتوّه الالعبانى

الفتوّه الأمريكانى

قد خوفنا  
وأنا زيكم بخاف  
انما علىّ انى اعدى كل يوم  
فى الشارع ده  
انشف العرق  
اتلفت له واقول :  
انا مش بخاف .

" للبحر ريحة الماورد  
للبحر حزننى "



أنا بره باب الذاكرة ميت  
وجوه منها جنون .  
عرض المسافة بيميل  
والوجع مئلوم  
- عوم على نن عومك  
لا تبندى فى النوم

بشويش ، دخلتنى  
سحابه نبى  
لميت وجودك ، عدلتنى

مفیش  
أجهلك  
فی المرتین وفى الحضور جنه  
حطیت خدودی ع الحنه  
حنینّه  
طیرتّها  
عصافیر کناریة مزوقه بطفوله حمّه  
حنینّه ع الأید  
وجع البعید لام  
لملمت حلمک بالسلام

وابتديت

صوتك نحاس محشور لصوتى

ابريق مزوق بالسبوع

برقع رفيع

- وسعات اخاف م الميه .

لو كفتينك نقر - زان ، عود ليه

الخلق سماعة ونس موجود

والصدر لوليّه

- الصدر فضفاض

شمشم فى ريح الوداد

ما عدش ليه الحيا  
ولا عدش ليه الموات

ويّايا كان البحر عليل  
لا طَلَقْهُ بِيَمَيْلٍ  
ولا فى النزول ، لسانه بِرِيْلٍ  
بيصب فى المالح  
لأ .. بِيَيْلٍ  
وبينطلق فى الفضا مسجون  
عون بن نون



شق الحجاب فصلين  
فصله على جمره  
وفصله ع الميه  
وفصلتين على سمكه مشويه فى الضله بسكون  
يا عينى ع اللى ما خلا  
فى الزمن مدفون  
ع الأرض مدّ .. والسما بُعد الله  
عينى ومال  
القمر دلال بيتغنى  
شاهد قبر مرمرى بالخلا وإتحنى

بينزل الميه هلال  
مركب غيبه متحملة بعيال  
مملحين  
تحتيها موجه متنيه  
بتغنى صدك عليًا :  
" يا بحر صوتك وحيد  
مين مدلكش ف إيد  
يا بحر لونك وحيد  
ولا العيون مطفيّه "  
ع الموجه كان ركب البراق بيتمايل

شَدَّ اللّجَامَ  
مِنْ عُقْبِ دَارِ الْمَنَاجِلِ  
وَابْتَدَى تَوْحِيدَ  
الْمَوْتِ عَلَى الْمَيِّتِينَ بِيَقُوتِ  
بِيَذْرَجِ الْأَجْنَّةِ سُجُودِ  
خُضُوعِ  
اسْتِهَانِهِ  
اسْتِنَامِهِ  
سُؤَالِ ؟  
مَيِّنِ ؟

أنا سَمَعَكَ الحِسي في المَوجوعين  
ليكَ ارْتِجَاعُكَ الخامس  
في البرْتَقان ليكَ  
ولِيهِ لِيَّه في الخاسس  
أصفر لموني ومش نائص  
غير العنين .

1990 / 1 / 1

امشى عني



القصيدة دى مش بتاعتى  
وشكلها مش شكلى  
القصيدة دى مش عارفها  
ولا فاكّر زمانها  
انما يمكن اتقابلنا فى حتة تانيه  
أو عند حد  
يمكن الأرض كانت مهزوزه ساعتها  
والسما .. رعد  
القصيدة دى عامله لى مشكلة  
عمّاله تضحك ع الصّور

وع القصيد  
م الملامح  
ضحكة صفرا مُصمّده  
القصيد دي  
رافضة الوجود على أى أرض  
مع انها  
مشمئزّه  
ومفتريّه  
ملعونة شائلة شرها  
ظبطها مرة فى عريها



وهات يا ضرب

فى إيه ؟ !

فى الهوا

فى الوهم

فى الخيال

بعدها ..

ظبطها بتلم م الشارع ده

مزىكا تايهه

وبتستر نفسها

اقول لها : عيب

ترد غصَب :

يعنى ايه عيب ؟

وايه يعنى ناسن ما لهومش قصد ؟ !

القصيدۃ دى مش بتاعتى

ولا عندها طموح فى أى مجد

لا عندها شوارع

ولا بيوت

لا بشر فى حزنها

ولا جمعت قلوب

انما كل اللي عندها  
ازاي .. وليه ؟ !  
عند مين ؟ !! وعنده ايه ؟ !  
القصيده دي مش بتاعتى  
وباعترف انها خناقتى فى كل يوم  
وانها بتخرج للشوارع من ورايا  
وانها بتخطف نور العيون  
مره فى شكل شهوه  
ومره فى شكل الجنون  
وتحط نفسها مكان اى قهوه

وبعدھا تختفی بالزباين  
ألاقيها في حتّه ثانيه  
مرّه شارع  
ومرّه مترو  
مرّه راجعه بحد عارفه  
ومرّه راكنه في السكون .

القصيدہ دی مش بتاعتی  
انما کل ما افتح نہار  
ألاقيها تضحك لی

أَمْشِي فَنَمْشِي  
أَخْشَ شَارِع  
تَخْشَ شَارِع زِي ضَلِّي  
الْقَصِيدَة دِي بَتَّارْدَنِي  
فِي هَمْسِي  
وَأَمْسِي  
الْقَصِيدَة دِي مَش بَتَّاعَتِي  
دَسُوها فِي يَوْم جَنَازَتِي  
أَوْ يَوْم وَلَادَتِي  
أَنَّمَا دَسُوها فِين ؟

دسّوها في الهوا  
في الصمت  
في الصوت  
في ضيّ القمر .. وفي السّكوت  
في الحلم بيوم ابتدى  
ولّا في الملكوت  
في الكفن ويّا الحياه  
وخيروها : ترضعى إيه ؟  
عرق الغيب ؟  
ولّا .. عرق الجباه ؟

القصيده دى مش بتاعتى

حتى شوفوا

مش ملامحى

أو مش صراحتى

القصيده دى مفترية

سوده مره

زى كحل فى ليلة عتمه

حر جداً

جوا شمس ولونها حمرة

صهد جداً

مُرْ جِداً  
ومرّة .. مرّة  
جه عطشها  
يبل ريقى  
شقّ جوفى  
بان فى خوفى  
من كفوفى ساب عرقها  
لُمت روى  
قلت الومها  
لأ هادوسها



امشی عنی

امشی عنی

القصیده .. مش بتاعتی .

1999 / 10 / 10



مركز التدريب على الابتسامه



معلقين  
حاجات محزنه  
بشكل فانتازى  
فبيص الداخل من بوابة المركز  
ويبتسم  
مع انه ..  
رافض الابتسامة أساساً  
وبيعلن عصيان مشاعره  
للأوردر : " ابتسم " .  
يقف ويفتش عن السبب

فى عرض الابتسامه .. ومدتها  
وكأنه واحد تانى  
بىراقب المجهول  
بعين مفتوحة  
وعين تانيه  
صاحبها الخبل  
وهيه باصه جواه .  
هنا  
هوه كائن عادى  
من زمن تانى

هاتشوف فيه  
أشكال من الحياه اللى انتهت  
جابوه يعلموه الابتسامه  
على ايدين مدرسين  
فلتوا من دايرة الزمن  
ودخلوا كوكب الارادة باسم الجنون  
وهمّه مش شايفين  
مين فيهم المرهق  
ومين  
فيهم العريان

هايقف المدرس  
ويشرح له ازاي يبتسم  
هايقوله :  
حرك عضلة الفك بلطف  
زي حركة ما مرتشي فوق ملامحك قبل كده  
وجرب  
وانت واقف قدّام مرايا  
أكيد هاتغلط  
حركاتك انت مش عارف مصيرها  
وهيه رايحه لفين



أنا هاقولك

هانبعثها لمركز التدريب على الضحك  
ودا مركز تانى غير المركز اللى انت فيه  
وبكدا

هانوفر تمن المخدرات  
ودا مش بخل منّا  
ولا عدم مراعاة تكييف المواطن  
لأن دا

تابع لجهة ثانية  
واحنا مش جهة الاختصاص

إنما  
علشان نجرب دخولك فى الاكتتاب  
ها نفصله ، الاكتتاب طبعاً  
ونبعته للشعب  
الشعب يبعثك عندنا  
هنا  
مركز التدريب على الابتسامه  
كل شئ محسوب  
الدائرة بتلف  
انت أولها

وفى النّهاية

هانلاقيك واقف هنا عندنا

بتقرا

على يافطة عريضه مبقة :

" مركز التدريب على الابتسام " .

2001 / 4 / 7



علی جُنَّتِی



قاعد

وباللعب فى صوابع جُنَّتْ  
جُنَّتْ اللَّيَّ كَانَ طُولُهَا 191 سَنَتِي  
وَاللَّيَّ كَشَّتْ

بِفَعْل رَكْنَتَهَا فِي الثَّلَاثَةِ

جُنَّتِي

اللَّيَّ مَا حَدَّثَ خَدَّ بَالَهُ مِنْهَا

مِنْ تَلْتِيَامٍ

وَاللَّيَّ كَانَ النَّاسُ بِتَحْسُدِنِي عَلَى طُولِهَا

وَطَرِيقَةَ مَشِيَّتِهَا

المشيء الوحيدة اللى ما تشبهشى أى حد .  
قاعد دلوقتى باتفرّج عليها  
ومستنى حد يشرح لى  
إيه اللى حصل  
وليه الناس ماجتشى تحتفل بجنازتى  
مع انهم  
فهمونى  
ان الناس بتيجى العزا بدون دعوة  
قاعد وحاطط ايدى على خدى  
يمكن حد يفتكرنى



وباقول فى عقلى :  
هوا بس واحد  
كان ممكن ييجى أسرع من أى حد تانى  
وكأنى شايفه قدامى  
بتفر الدمعه من عينه  
زى ما فرت  
لحظة ما كان لابس هدومه  
ورايح يجيب الكفن لامه  
ودى هيّه اللحظة الأولى للحزن  
ولحظة معرفة البكا

مع انى كنت أصغر ساعتها  
من انى أعرف  
أو أحزن على حد مات  
بصيت فى عينه  
وفرحت بيه  
وعرفت إن ليه  
قلب ودموع  
زى باقى البشر  
مع انه كان بيتهىالى  
انه كائن  
من زمن تانى

وانه  
ما يعرفشى معنى العياط  
ودى الحاجة الوحيدة  
اللى كان ممكن تحصل معايا  
لو هوّا لسه عايش  
كان هيحس بروحى  
وهيه بتطلع  
زى أنا لما حسيت  
حسيت  
بروحه ساعة ما مات .

2001 / 4 / 7



انا .. مش انتہ !



من بعيد  
بالمح فيك  
شئ يخصني  
ودي  
مش دعوة ليك علشان نتبادل الحوار  
أنا من زمان  
خلصت اللي جواك  
وما عادشي عندي  
إجابة على شئ حاصل  
أو حاجة هاتكون

ما فيش أصلا ما بينا شئ مشترك  
أنا فُتَّك ورايا من زمان  
إنما من وقت للتانى  
يمكن أتلفت وابص لك  
واقول بالتعبير الأولانى :  
" الله يكون فى العون "  
لكن لو حاولت تيجى ورايا  
دى سكة خطر  
أنا مش هامنعك  
فيه سكة مفخخة



فيها كائنات على شكل بشر  
امكانياتهم الوحيدة انهم يوهموك  
عايز تيجي  
انت حر  
لكن هاحذر  
من ضعف البصر  
ومن الخطر  
لأ  
مش زى ما انت فاهم  
عموماً هاسيبك تجرب

بس بص فى مسام جلدك  
كل لحظة  
الطريق طويل هاتمشى فيه لوحده  
وعند أول ملف  
فيه عصابه هاتنهبك  
دا لو سابوك تعدى  
انا شايفك لسه بتجرى  
برافو  
انت دلوقتى أخف  
وجسمك بيتحرك بسرعة  
بس برضه

مش هاتقدر تحصّلتنى

حاسب

انت داخل على فخ مخ

واسمه الخيال

ودا أنا عامله بإيدى

ما بيحركشى عاقل

ولا بيسلمه مجنون

بس إن عدّيت

انت لو عدّيت

ابقى حصّلتنى .

2001 / 4 / 7



ما بلعش دور البطولة



أنا  
مش هالعب دور البطولة  
فى الفيلم ده  
ويمكن حتى ما احضرشى الافتتاح  
أو أكون موجود ساعة العرض  
مع اتى  
كنت مهياً بشكل سينمائى  
يخلينى آخذ " الأوسكار "  
والبطلة كالعادة  
كانت هاتطاربنى بعدها بسنين

إيه اللي خلاتنى رافض اللعب ؟ !

جايز

كنت مشغول ساعتها

أو جايز

كنت داخل كتاب

زى وردة محنطة منسيّة

وكان لازم لها نار

تمر تحرقها

وريح

تجرى تبعتر رمادها



ومطر  
يطرّى أرض وحدتها  
فتترد في الروح  
ودا الوضع التي خلّاني  
ما العيشي دور البطولة  
واعيش بحريّه  
أمارس الكوابيس  
وانا ماشى في عز الضّهر  
واشم ضّهر إيدى  
بشكل فيه وسوسه

بعد ما يسلم عليه  
حد مش طابقه  
أو ادخل جرى ع الحمام  
لو حضنى حد باكرهه  
وافرك جسمى بالميه والصابون  
دا يمكن اللى خلانى  
قررت ما العبشى دور البطولة  
فى الفيلم دا  
لاتى ساعتها هاكون  
مضطر اخش حفلة الأوسكار

وابتسم للجنة التحكيم  
أو أروح  
جمعية محبى الأفلام القديمة  
وامد ايدى  
واسلم على الأعضاء  
واقف قدام الكاميرات  
أشاور للمعجبين  
واتخلّى عن المتعة الوحيدة اللى ليّه :  
كوابيسى .. ووحدتى  
ودا ها يسبب لى حالة من القرف

ربما  
تخليني  
ما اعرفشى انام .

2001 / 4 / 7

حرکه مباغته



فى حرکه مباعته - بتتخطف منك الحياه  
بتتوهب لحد تانى .. متعرفوش  
تلاقى روحك فى جسم تانى  
تخش أرض مش بتاعتك  
إزاي هاتقدر تتعامل مع نفسك  
فى سجنك الجديد  
إزاي تتعري عُريكَ العادى  
تمارس راحتك البسيطه  
وانت قدام حد ماتعرفوش  
إزاي نَقَع الميتين قدامك

وتتفنى عنهم كل التهم  
وازاى هاتمد إيدك  
وتخطف حته سوده  
من حد هوه موش محتاج ليها  
وتديها لحد حزين بجد !  
وازاى هتدارى دمعتين روحك  
عن جسم غريب عنك  
وتقف على شجرة الأجديه  
وتفرش رمله ناعمه تحت رجليه  
تعترف بفضله



وإنه قبل يخلى روحك  
اللى كانت ممكن تبقى هايمه فى الخيال  
يحدفها طير الفراغ لبرد الوحده  
تُشكِّها من جوه  
فترتعش رعشه حيه  
وساعتها  
هتطلب الحمايه من أى حد  
حتى  
لو ضل وش باهت  
وانت وحظك

لو قدر يبقی منك  
رعشتین روح  
تخش بیهم لسنه جایه  
تلون بیک  
حرف غیمه معدیہ  
یمن  
تبدرك على جلد صبارہ  
تشبهك  
وكننت فیہا  
قبل ما تیجی

حرکه مباغته  
بتحركك ..  
فى إتجاه الحياه .

2002 / 4 / 7



الفنّانة



فى الجنة دا  
ولا احنا لسه فى الخلا  
فى الحلم دا  
ولا الحقيقة مزوّقة  
مادمنا جينا بوأواه  
خلينا نمشى بزقزقة  
لو الحياة متنقّة  
إركب فوقها بهأهأه  
تلقى الحياة  
فرح .. فرح

شق وطرح  
عناقيد عنب .. وفيونكهات  
بدل الطرح  
مع بلونات .. مش بلونات  
قزاز مضلع وإنجرَح  
من وقوفات .. لولاد بنات  
فيهم مفكر مخترع  
ليهم ساعات فى الهيمنة  
فى الجنة دا  
ولا احنا لسه فى الخلا

2003 / 7 / 1